

**UGOVOR**  
**O ISPORUCI IT OPREME**

*zaključili su*

**MINISTARSTVO ZA NAUKU, VISOKO OBRAZOVANJE I MLADE KANTON SARAJEVO**

sa sjedištem u Sarajevu, ul. Reisa Džemaludina Čauševića br. 1

ID broj: 4202841290000

PDV broj: 202841290000

koga zastupa ministrica Adna Mesihović

(u daljem tekstu Kupac)

i

Naziv ponuđača Biroplan d.o.o, Tuzla

sa sjedištem u Krojačica broj 79, 75.000 Tuzla

ID broj: 4210344360005

PDV broj: 210344360005

koga zastupa direktor Adnan Selmanagić

(u daljem tekstu Prodavac)

**Član 1.**

Predmet ovog Ugovora je utvrđivanje prava i obaveza između Kupca i Prodavca u postupku javne nabavke IT opreme, u skladu s uslovima iz tenderske dokumentacije i ponudom Prodavca broj 777/24

Ugovor iz stava 1. ovog člana sklapa se nakon provedenog otvorenog postupka po Obavještenju o nabavci broj: 30903-7-1-1-3-3/24 objavljenom na PJN dana 16.02.2024.godine, a na osnovu Odluke o odabiru najpovoljnijeg ponuđača u postupku nabavke IT opreme broj: 27-11-17144/24 od 28.03.2024.god.

**Član 2.**

Ukupna cijena roba iz člana 1. ovog Ugovora iznosi 34.976,00 KM.

U cijenu nije uračunat PDV čija je vrijednost 5.945,92 KM, tako da je ukupna vrijednost ugovora sa uračunatim PDV-om 40.921,92KM.

Slovima: četrdesethiljadadevetstotinadvadesetjedan i 92/100

### **Član 3.**

Prodavac se obavezuje da će predmetne robe isporučiti najdalje u roku od 60 (šezdeset) dana od dana obostranog potpisivanja ugovora.

Mjesto isporuke su prostorije ugovornog organa na adresi ul. Reisa Džemaludina Čauševića br. 1.

### **Član 4.**

Ugovorne strane određuju da Prodavac mora ugovorene robe isporučiti tačno, prema prihvaćenoj ponudi i tehničkoj specifikaciji, stručno i korektno u skladu sa pravilima posla i običajima struke.

Prodavac mora isporučiti samo artikle po vrsti i kvaliteti iz prihvaćene ponude.

Za svaku reklamaciju zbog razloga navedenih u prethodnom stavu, Prodavac je dužan bez odlaganja isporučiti ugovorene artikle bez naknade, a reklamirani artikli mu se stavljaju na raspolaganje. Nikakvi zamjenski artikli se neće prihvatiti.

Garantni period na koji se Prodavac obavezuje u pogledu ugovorene i isporučene robe počinje teći od datuma obostranog potpisivanja Zapisnika o kvantitativnom prijemu opreme bez primjedbi.

### **Član 5.**

Kupac se obavezuje da će izvršiti plaćanje po ispostavljenj fakturi najkasnije u roku od 30 (trideset) dana od dana prijema fakture, na transakcijski račun Prodavca broj 1541602012149121 otvoren kod IntesaSanpaolo banke.

### **Član 6.**

Ukoliko Prodavac ne isporuči ugovorenu robu iz člana 1. ovog Ugovora u roku utvrđenom u stavu 1. člana 3. ovog Ugovora, Kupac zadržava pravo naplate penala u visini 0,5% od ugovorene cijene za svaki dan zakašnjenja, s tim da ukupan iznos penala ne može preći 10% ugovorene cijene.

### **Član 7.**

Ukoliko poslije zaključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih Ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja ugovornih strana i koji nisu mogli biti spriječeni od strane pogođene višom silom. Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Ugovorna strana pogođena višom silom odmah će u pisanoj formi obavijestiti drugu stranu o nastanku nepredviđenih okolnosti i dostaviti odgovarajuće dokaze.

#### Član 8.

Prodavac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi poziva za dostavljanje ponude ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

#### Član 9.

Ovaj Ugovor važi od datuma obostranog potpisivanja istog.

#### Član 10.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog Ugovora, a koji nastanu u vezi i povodom izvršenja istog.

#### Član 11.

Sve eventualne sporove i nesporazume koji bi mogli nastati iz ovog Ugovora ili povodom ovog Ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana, ugovara se nadležnost suda u Mostaru.

#### Član 12.

Ovaj Ugovora je zaključen u 6 (šest) istovjetnih primjeraka od kojih po 3 (tri) pripadaju svakoj strani u ugovoru.

Ministarstvo  
za nauku, visoko obrazovanje i  
mlade:  
Ministrica  
*Prof. dr. Adna Mesihović*



Broj: 27-11-24049/24  
Datum: 19.04.2024. god.

Biroplan d.o.o, Tuzla  
Direktor  
*Adnan Selmanagić*



Broj: 332/24  
Datum: 19.04.2024. god..